

ENFORMAZIUNS Y COMUNICAZIUNS

Preparaziun al Bato: La Uniun dles Ėres enviëia i geniturs co à ciafé o ciafa na picia creatöra, adöm al tot/tota, ala Preparaziun al Bato, co sarà ai 19 de mà ales 3 dômsidë, te salf de calogna d'Al Plan. Referënt è Erich Frenademetz. Al vën inçe pitë le sorvisc da ciarë dô mituns. S'anunzië pa Annamaria de Lex al nr. 0474/501286 o 334/6102551.

Uniun dles Ėres: Sontada dal consëi en dëdölönesc ai 8 de mà ales 20:00 te calogna.

Jogn: Dai 19 ai 26 de jügn vëgnel organisé en iade d'aventöra sön l'Ijola d'Elba, por jogn dai 14 agn ensö. An stà soranet en tëndä t'en camping sölë mër y an cujina enstësc. Le cost por jogn dla Val Badia è de 360,00€. Prenotaziuns y enformaziuns pal Sorvisc ai Jogn al 335/5400890 o tres mail pa valentin@jogn.org, cina ai 22 de mà.

Seniorenclub: En dëdemesaledema ai 9 de mà va le Seniorenclub a Desproch a ti ciarë al Rundgemälde. Dedö vën con la picia ferata sön la Hungerburg a vijité l'Alpenzoo. An pëia ia ales 8 da doman jö te plaza dal Cone. Enformaziuns pa Lidia al nr. 339/7899107.

Prozesciun: L'Uniun dai Ėi Val Badia enviëia ėi y jogn ala prozesciun con ciandëres da Porsenü a Neustift, en domëgna ai 13 de mà. Al va en bus dla Val Badia. Prenotaziuns pa Silvester Vittur al 333/7247516. Por chi co oress jì privat: la prozesciun pëia ia ales 21.00 tla plaza dl'Aquarena. La ciandëra (o linterna) èl vignönn co dess se tó empara.

Curs: Al vën organisé en curs de ceramica por jogn y adulc con Irina Tavella. An empara da modelé con l'arjila de pices massaries por la ciasa. Endöt èl cater encuntades: ai 9, 11, 16 y 25 de mà, dagnora dales 15:30 ales 18:00, tal atelier Irina Tavella a Al Plan. Prenotaziuns al 339/8557964. Le cost è de 75,00€ con material laprò.

Dé dla natöra: En sabeda ai 12 de mà s'encuntunse ales 9.00 dan magazinn dai stödäfüs por jì a romenë sò le paisc. Gnide con osta familia a passé en bel dé. Dedö è düc chi co dëida bel enviës da sté deboriada a marëna alaleria.

Cortina: Le Comun de Mareo lascia alessëi che le contegnidù dal ciomont de cortina è gnü sposté dlungia l'ingres dai auti dai Carabinieri. Al vën perié da mëter le ciomont enlò y nia le lascé jö olache le contegnidù ea denant.

Conzerc: La Scora de Musiga enviëia a deplü conzerc te salf dles manifestaziuns d'Al Plan. Ai 14 de mà en concert de chitara y orghi, ai 18 de mà en concert de clavier, clarinet, trombëta y fabló, y ai 21 de mà le concert "La ciantada". I conzerc è düc ales 6 da sëra.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00
Comunicaziuns - cina al dëdemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Ploania da desciaarié sön www.comun.mareo.bz.it y sön www.valbadiaonline.it



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

5. Dom. de Pasca - San Florian, ann B, ai 06.05.12 - nr. 24



Dal Vagnele dô San Jan, 15, 1-8

Iu sun le lën da öa, os sëis les rames. Chël co romagn te mè y te chël che iu romagni, chël porta trep früt; deache despartis da mè ne sciafiëise da fà nia. Chël co ne romagn nia te mè, vën sciüré demez desco la rama da öa sëcia.



Gejù, le lën da öa

Con la metafora dal lën da öa vëgnel tal Vagnele da encö alzé fora le raport danter i fedei y Gejù Crist. Al è döes parores co caraterisëia cösc raport: "porté früc" y "romagner".

Ci che öna o önn è bun da arjunje, ne depënn nia mà da sòa competonza y sòa lezitonza individuala. I manager dles gran dites le sa avisa. Ara nen va deplü de colaboraziun y de na bona armonia danter les forzes y les competonzes.

Ma t'en team con d'atri, tla colaboraziun nascel creativité, efziënza y an arjunj de bogn resultaé.


Al po ester che cösc ejompl soni en pü' assöt, respet ala bela metafora dal lën da öa che Jan adora, mo dit vëgnel le medemo: tal "porté früt" dal punt d'odüda religius ne cüntel nia mà la prestaziun de vigne singola persona, mo soradöt inçe sòa funziun tla comunità con d'atri fedei y con Chël Bel Dio.



La miù formaziun y esperionza ne porta a nia sce al mancia le liam sterch con Chël Bel Dio.

Y la miù gestiun y planificaziun dla vita "vën sëcia", sce ara n'à nia sòa fondamonta tal amur danter les porsones. (Wolfgang Baur)

SS. MËSSAS Y FUNZIUNS DAI 6 AI 13 DE MÀ



Oferta por la Ploania

06.05 - 5. Domëgna de Pasca - San Florian

8.30: da dljia prozesciun ia Curt con S. Mëssa
de ringraziament y onur a San Florian
dedò prozesciun zoruch ca Al Plan

18.00: S. Mëssa por +nt Franz Erlacher da Torpèi
por +nt Isidor Castlunger da Grones
por +nt Angelo Ties de Col

Lönesc 07.05 - Feria dla 5a edema de Pasca: Gisela, Notker

7.25: S. Mëssa por +nta Hilda Feichter de Valciapa
por +nc Balthar, Tecla y Adolf Obwegs - Vollmann
dò na intenziun

17.00: Funziun de mà

Dédòlönesc 08.05 - Feria dla 5a edema de Pasca: Ulrike, Evodia, Ida

17.00: Funziun de mà

Dédemesaledema 09.05 - Feria dla 5a edema de Pasca: Adalgar, Ottokar, Dionijo

18.00: S. Mëssa por i nüc Christian Rindler y Marlies Unterweger
por +nta Notburga Obojes Vollmann
por fam. Frenner de Pincia

Jöbia 10.05 - Feria dla 5a edema de Pasca: Gordian, Antonin, Jan

17.00: Funziun de mà

Vëndres 11.05 - Feria dla 5a edema de Pasca: Walter, Nazio, Iere

7.10: S. Mëssa de renger. dla fam. Epo y Clara Rindler de Pal
dai scolari por +nc Canzio y Rita Comploi de Mano
por +nt Iarone Rubatscher

17.00: Funziun de mà

Sabeda 12.05 - Sancta Maria in Sabato: Nereo, Pancraz, Achil, Ziril

17.00: Poscibilitè da se pissié

18.00: S. Mëssa de renger. dla fam. Franz y Teresa Erlacher
de renger. dla fam. Lois y Anna Rindler de Costata
por +nc dal Medo
por +nt Franz Obwegs da Garsun
por +nc Giuseppe y Natala Palermo



13.05 - 6. Domëgna de Pasca - Festa dla Oma

Oferta por le KVV

6.00: Mëssadora ia La Pli

9.30: Corona por les Omes y les Families

10.00: S. Mëssa por döta la Ploania
por les Omes y Families
por +nc de Guido y Margareth Clara

Te le säs avisa...

Te na tribù indiana gnea i jogn reconesciüs gragn
pormó dò en prozes de passaje vit tla plü gran sorité.
Te cösc tomp messâi se desmostrè a se enstèsc da
ester arjignês al'eté madüda.

En iade jea önn de chisc jogn fora por na bela val
vërda y plëna de ciöf. Te chël vëighel na bela munt
con la piza corida de nêi y al se ponsa "I mo metarà
ala proa cuntra chë munt".

Canche al ea roé sönsom odêl jö la bela contrada y
al se sontia brao y capazo. Te chël vëighel na bisca
jö dan sü pîsc. Cösta à motü man da baié: "I sun
tal mori. Tlò èl massa frëit y al n'è nia da mangé.
Condüjemo jö tla val."

"Na", dijea le jonn, "I conësci chères de töa sort. T'es na bisca da tosser. Sce i te
chëii sö mo mordaraste y töa morta mo coparà."

"Na, dessogü nia", dijea la bisca, "con te ne fajarai nia ensiö. Sce te mo dëides,
ne te fajarai nia dal mal." Le jonn à tignì bot por en pez, mo la bisca à na bona müsa
y è tla finada stada bona da le baié sö. Le jonn l'à couida sö y s'l à motüda sot le
šamare ete. Canche ai ea roês jö tla val, à le jonn lascé jö la bisca ia por tera. Fora
de nia s'ara entorcheré sö, à trat en salt ennant y à mort le jonn te na iama. "Te
m'äs empormotü che...", scraià le jonn.

Sön chëra à dit la bisca: "Te säs avisa ci che te risciàs da mo condü con te", y
spo s'an èra stada.

Cösta storia po ester dedicada a düc chi co se lascia tonté da droghes y alcohol,
o co va massa debota con auti y motors. "Te säs avisa ci che te risciàs....", Dedò
è düc plü scichês, mo enlò èl massa tert. (Traduziun lëdia da Bruno Ferrero)



MINISTRONC

Domëgna 06.05 Curt: Ministronc d'La Pli; **Lönesc (7:25), Dédemesaledema (18:00) y Vëndres (7:10):** Sara y David Doria; **Sabeda 18:00:** Daniel Piazza, Herbert Piazza, Elena Ties, Gabriel Ties, Daniel Borroni, Mike Kaneider; **Domëgna 13.05 - 10:00:** Filippo y Rebecca Kastlunger, Florian Palfrader, Max Palfrader, Kevin y Mark Kastlunger, Catarina Frenner y Viktoria Frontull.



Ministronc, dò le gran y bel sorvisc che i èis fat
y fajëis sö da alté, vëgnel sën inçe le momont dal
devertimont. I jun düc a GARDALAND, en Lönesc
de Pasca de Mà ai 28 de mà. I piun ia ales 6:30 da
doman te plaza de scora por jì jö deboriada con
le bus y passé en bel dé d'aorela cörta. Zoruch
roarunse encër les 21:00. Prenotèsse pa Carlo
Suani al nr. 348/6290572, cina ai 16 de mà -
PREIBEL NIA DEDÒ! Al vën perie inçe 5 geniturs da
gnì empara (debann) por accompagnè i mituns.